

san wolonwulan - n'moro 86

awirili kalo - san 1979

bp 24 - bamakò (mali)

telefòn : 22104 — ccp : 0155

dòromè 4

kibarudilalaw kuntigr : amadu ganyi kante

Kibaru

a bè bò kalo o kalo, faso ka kibarudiso ka yamaruya kònò

"udpm" sigili kòngèrè banna peresidan musa tarawele kèra a nyémögò fòlò ye



... hisondiya baara...

malidenw ka forobatón
ba "udpm", o sigili
kòngèrè fòlò kèra bama
kò, san 1979 marisi ka-
lo tile 28, 29, 30 ani
31 kònò. sani o dònw ka-
se, nyogón famuya lajè
ba dò kèra, n'o ye nyè-
bila baara ye, fewuruye
kalo tile 26, 27 ani 28
kònò. jamana sórda ke-
len kelen bée tun ka
delege bè nyèbila ba-
ra ani kòngèrè kènè
kan.

"udpm" sigili kòngèrè
fòlò kèra mógo 600 nyó
gón de nyèna, minw bòra
mali kònò ani kókan. o
y'a jira ko baara kèra
jèya, bén ani jamana
kanu kònò.

kòngèrè labènni jèku
lu mógo ka baara nya-
li ye kow nògoya kósè
bè. o de kósòn, fèn o
fèn, n'o sèbènna jamana
politiki kan, a ka sórò

(a tò bè nyè 3 la)

kònòkow

nyè 2 : bamanankan.
nyè 3 : "udpm" sigili
kòngèrè- nyè 4 : bali
kukalan bè sen kan.

nyè 5 : nin kalo lètè
rè - nyè 6 : kalan tò
nò - nyè 7 : farafin
san jate sèbèn.

nyè 8 : "udpm" biroba
mógo.

hakililasèbènni

dònni nògoyara

nyamabugu banafilè kulibali ko n'ye :
 n'den, dan tè dinyè na.
 nka, mógo kalannen b'a bolo fila gaso a da la
 awa, hali a tè jèngè...
 sanko a kónò fènw k'a dòn mun bè senna.
 nyamabugu banafilè kulibali ko n'ye :
 mógo kalannen de bè dinyè n'a kónò fènw bée
 girinnya bisigi a hakili la fòlò ;
 ka sórò k'u k'a kérè-la-npalan kónò
 k'u jago a sago la, a yèrè ka hèrè kósón.
 a bè sórò sa, k'o nafolo kè ka nyò san.
 o nyò o fana bè susu a fè sufè de
 su dugutila fè kóni...
 a bè shèw lasi kóngò la, o cogo de la
 barisa, sufè nyò susu kóró ko shè janfa !
 a ko n'ye tugun :
 n'den, kalan m'an dan fòlò ;
 i n'a fò nahawa dunbiya ko an ye cogo min :
 ko bée n'a tuma don.
 awa, anw dun kalan tuma sera !
 n'an ma kalan kè, kalan b'an kè.
 tumani yalame sidibe
 zaf kuntigi "oacv" san
 segu mara la.

bamanankan

fila.....	deux
fin.....	noir
fèn.....	chose
siran.....	peur
gèlèn.....	dur
magan.....	mou
fanga.....	force
finyè	vent
girin	cavaler
girin.....	lourd
kala.....	brindille
kafisa.....	meilleur
kala	coudre
singa.....	préter
dingè.....	fossé
dinyè.....	monde
dimogò.....	mouche
dunun.....	tam-tam
dunan.....	étranger
duga.....	vautour
donni.....	bagage
dònni.....	savoir
miiri.....	pensée
nsirin.....	conte
nakalon.....	mensonge
tinya.....	vérité
nzon.....	voleur
boli.....	courrir
taama.....	marcher
teliya.....	rapidité
sumaya.....	lenteur

mali ka bagi dila yòrò

faso jèkabaarakèda - a nyémogoso bè segu mara la
 marakala sira kan - bp : 52 - telefòn : 320-183
 mali jamana kónò



garidila - geseda - galadon - tapidila

fèn dawulama fòlòw, minw bè dila n'an yèrè ka kòori sènèlen ye
popelini - bazin - geseda gari - kalali gari - fèrobo misènw - tapi dakabanaw,
 "comatex" ka feereda mali kókan o bè : kòdiwari - sènègali - nizéri - otivalita
 "comatex" ka baarada mali kónò o bè : bamako - kayi - segu - mèti ani gawo

a fènw bè tali kè farajè jamana fènw de kan

o sababu ye kòori nyè de ye. o de kama, kòori sènè kakan ka kè sèbè ye mali
 fan bée kónò, walasa comatex bolonò ka nyè ka taa a fè.

"udpm" sigili kongèrè ...

jiidi cogo, a ka hadamadenya matarafa cogo ani a ka nyogòn dèmè siraw kan, mali kónò, afiriki kónò ani dinyè kónò, olu bée bénna délegew na.

a jira la ko mali kónò, foroba baara jöyôrô bée yen; jëka baara jöbée yen.

kórò min b'o la, o ye jamana dilali de ye ni jamana braika bée ye, a bolo fara bée ye, a den bée ye, tonba kelen kónò, min bée tali kè mali yèrè yèrè danbe n'a si gi cogo doronu kan.

Kóngèrè y'a jira ko "udpm" ka hukumu kónò, mali tè jamana wérèsi ladege politiki sirasi kan, nka, mali tè furalli fè yôròsi, a tè binunkani fè, a tè wolomali fè, a tè kélé fè, sanko balawu, jamanaw ni nyogòn cè, afiriki ani dinyè bée kónò.

kónsèyi nasónali sigira senkan. mógo 140 de b'o la, minw bée nyinin-ka, minw bée kuma "udpm" sèkisón 52 bée togola n'olu ye baarakèlaw, misow, demnisènwi ani sôròdasiw.

kónsèyi nasónali de bée baara kè jama bée togòd la, kóngèrèw ni nyogòn cè, malidenw bée lajèlen bôlèn ko yen,

an k'an ji ja

udpm ye mun ye ?
o ye malidenw ka,
politiki tònba de ye ,
min sigira bén, kanu,
ani badenya hukumu kónò.
a kèra bolodinyogónma de kósón,
a kèra nyogòn dèmè de kósón,
a kèra faso ka nyè fè taa de kósòn.
an k'an jijan, an ka to nyogòn bolo.
mamadu konate sara,
abudulayi sumare sara,
ani u nyogòn caman wérèw.
mininw bée y'u ka se kè,
faso baara la,
u ka nyènèmaya kónò.
n'bèna kuma min fô bi,
malidenw, ko da sera an man !
an k'an ji ja, ka to nyogòn bolo,
jama mana nyogòn minè,
wo tè sôrô u la dè !
"cmln" ye kénè min furan,
an k'an gélèya,
ka t'o nyaman bón,
fo yôròjan na.
bamananw ko :
"tu bée waraba sutura,
waraba fana bée tu sutura"
o kórò ye mun ye ?
"cmln" ani guwérènaman
ciu jigi ye malidenw de ye.
malidémw fana jigi ye
"cmln" ani guwérènaman, de ye.
an ka nyogòn minè,
bawo jè ka fô ye daamu ye.
mama tarawele
lèkólikaramogo
misira bamakò.

kónsèyi nasónali de
barika bon ni "udpm"
bolofara tòw bée ye.
biroba sigira senkan.
mógo 18 de b'o la, minw
bée baara kè kónsèyi na
sônali ka hukumu kónò;

minw ye kow latèmènba-
gaw ye; kow ladilabagaw
ye, kow nyanabôbagaw ye
mali yèrè togò la, waati
bée la; cogo bée la,
malidenw ka hèrè dôròn
kósón.

balikukalan bē sen kan

marisi kalo in na, balikukalan daminèna moti nyosènèseriusida ka yòròw la, bankasi ni kòrò maraw kònò. dugu 33 de ye balikukalan daminè o yòròw la : kalan bē kē fulakan na dugu 8 kònò, ka kē kadòkan na dugu 25 kònò. balikukalan in kunnafonî filè nin ye kadòkan na, ka nyèsin an balima kadòkanmènnaw ma.

dògò sò ègèun, kibèru on e dèi tòranyu

né tamai, anakuju nai ginu galai, dògò sò jaþu dèi kibèru joo e ègabei. jaþu kòn yuwò tòrònyu.

bamananw be, pulòw be sò bemè denhi denhi wò, ga be maniya sò turu sai yèma, kòn le jaþu derenyu.

tògu wajun bana kanabe ginu, emè dògonw ya kuni kana bëbèdein. sò ma tee kunò, iye dògò sò sibè go ligijiya emè wòin, kò dèi. ana lèy logro nè dògonw tumò sò pamane gènyu, kòn nanai la. manu go ana joo nè tègube, tòròwbe, gurunwbe ligijiya danyiya wòin. be tumò sò sèu pamau wòin. iya dògò gana nè ibè joo yakò. ibè nè, inèw gana sibè nai go ye wènyu. ebu èbèniye, be tògu waja sò sònè.

dògò sò denhi denhi puu dòn nè tòjò bëmèlè. kò dèi, biro diyè bamakò nè dan, inèw na jaþu biro gènyu gò, dògò sò ko turu yèma, dògòw wa kòn le jaþu de bë ga. sò yèmanyu tòrò sòi.

tòrò sò le dòn tiru le, lugo dòn le gonanyu. yuwò jaþu, dòn kòbe le jaþanyu. anakuju wèido dèi, emè dòn joo gonòuwòin. waruwaranw dòn le, goju tere dòn le, oru le di le birè dòn le, paþan birè dòn le, enwènren dòn le. emè dòn waja ya gonòuwòin.

yuwò mòn jaþu, bankasu sèrukile nè le, kòro sèrukile nè le jaþanyu. anakuju wèido, sèrukile wajun nè dòdònòdein.

dògò jaþu òn dèi inèw ana denhi denhi goa kòrò nè wiýabein. inèw wiýabein lugo bemè 55 kòbe, dògòw le, pulòw le.

be ana 33 nè goabein. bankasu sèrukile nè : ana 9, jaþu derew 12. kòrò sèrukile nè : ana 24, jaþu derew

43. ana gamu nè inè turu, ana gamu nè inè lèy.

nè jaþu kai tòratin, ana kòbe puu nè. anakuju wèido puu, ana jaþu bénè nè jaþu dadanadein.

dògò jaþu òn sò, yu wara birè sò o.m.m. gènyu gò le digiya jéeranyu. kò dèi, jaþu kubènw gòbe mopti nè danhin. biro diyè bemè sèware nè kò.

jaþu taaniye

11



ènè

è nè

è

ènè belu tèmèje

t -- i -- fi t -- u -- fu

t -- o -- fo t -- ô -- fô

t -- a -- fa t -- e -- fe

t -- è -- fè

tètè

tètè

tè

ènè

è - nè

è

konyakari sigi cogo

an ka mógókóròw y'a fò co go min, mógó fòlò min ye konyakari sigi, o tògò tun ko "kunyè".

mun na mógów b'a fò kunyè kari ?

kunyèkari ye maraka kan de ye. fòlò, ni marakaw b'a fò k'u bë taa kunyè fan fè u b'a fò ko : "o wa daga kunyè kara". o kunyè kara in de tora mógów da la fò k'o tògò in ja a kun, k'o kë a tògò ye ; o kósón, anw b'a fò sisán ko "kunyakari", nasaraw nalen, olu y'a yèlèma k'a kë "konyakari" ye.

konyakari ye sènèkè duguba de ye ; bawo sènè bë kë yen fò sigiyórdoma fila.

sènè fòlò bë daminè zuwèn kalo la fò uti kalo la.

filanan bë daminè uti kalo su, fò ókutóburu kalo la o sènè filanan de bë wele "foliosènè".

bagan mara fana bë kë konyakari, bawo misiw, sagaw baw, faliw, sow bë konyakari kaw bolo.

kò min bë tèmèn anw ka du gu fè, o bë wele ko "kirigu" ; dow fana b'a wele ko kirigu jalo.

kulu belebele dò bë konyakari ni kórón cè, o tògò ye "tapakulu".

mama tarawele lèkolikaramogò misira bamako.

nin kalo lètérè

nyininkali

mun na ntolatan bë fô tubabukan dôrôn na ? mun na fèn caman bë fô tubabukan na, n'olu tè fô bamanankan na ? n'i taara bamakô, baaradaw anि bitikidaw la, i tè foyi sèbènnêye tubabukan kô ; fo pili wondèri (waraba) anि pili mazida feere yôrô dôrôn.

walasa anw minw ye bamanankan kalan, kungo kónô, an ka se k'an yèrè bila sira dugubaw kónô, fo sèbènniw ka kè bamanankan de la fôlô ka sôrô ka tubabukan k'o jukôro, o kan kalanbagaw fana ye.

nin ye fèn ye, min kakau ka lajè kôsèbè, bawo, wa likan diya o diya, anw yèrè ta de nyôgôna tè...

lasinè berete
ka bô nyamina
kulukôrô mara
(mali)

jaabi

an balimacè lasinè berete, i ma foyi fô tinya kô. tinya dun tè fila ye. an bë yôrô min na sisan, bamanankan sanhayèlèn de hadi bëe ye. nka, ji bë don kô la dòani-dòani.

bamanankan sèbènni daminè na mali kónô san 1968 de la. o san ani nyinan cè, fèn caman këra ; fèn caman fana tora. kan sèbènni n'a jènsenni n'a yiriwali ye san tan-yirika caman ko de ye.

jamana minw y'a daminè mali nyè, hali bi, olu dôw ma se k'u ka kanw labbara a cogo bëe la ; farajè jamana ani farafin jamana bë olu la.

nka, don dô bëna se, i yo fèn o fèn fô i ka nin lètérè kónô, olu bëe bëpa kè mali kónô ; ntolatan ; arajola kibarudi ; batikidala sèbènni ; volosèbèn ; furusèbèn ; sayasèbèn ; lèrposèbèn ; kiritigèsèbèn ; nègèjuruso sèbènw anि sèbèn o sèbèn n'o kakan ka latemèn malidenw ni nyôgôna cè walima malidenw anि kôkan mógo ni nyôgôna cè.

halibì an bëe k'an cèsiri bamanankan sèbènni fè, walasa a ka don da la ; a ka jènsen ; a ka wajibiya maliden kelen kelen bëe ma. n'o këra, e lasinè berete ani anw kibarudilalaw sago bë kè.

kibarù bp : 24
bamako(mali)

...ka bô...

ne nisondiyalen bë nin lètérè ci amadu ganyi kantè n'a jènyogônw bëe ma, anि mamadu nyama jara anि arajomali baarakèlaw bëe ma, k'u fo dan tè foli min na. jumadonya fè, aw bë foli minun lase anw ma, o kôsón ne ka foli bë aw ye kôsèbè. nka foli fana bë ka taa musa kuma ma arajodila la don kénènkun, anि baba kuma o ye mori ye kénènkun

sumèyila jara animatèri don kénènkun kulu-kôrô mara la.

ne musa kulubali ye nyamakôròbugu animatèri ye, anw tè se ka kibarù ko na-fa fô k'â ban ; bawo kabinî kibarù ko naana, dô farala anw ka ko dòn kan : sènè kè konyuman, baganw lamara konyuman, hali jago kè konyuman, anw sera o bëe la. anw tè se ka fosi bila kibarù nyè, bawo wali kan diya o diya, i yèrè ka kan de nyôgôna tè.

musa kulubali animatèri nyamakôròbugu, kula kafo, kulukôrô mara.

ne bë lètérè in ci kibarù nyèmögôw ma ka nka foli lase u ma. aw ni faso baara konyuma. aw ye malidenw són to, k'u són na, k'u són kulusi, k'u són duloki, k'u són sabara, bawo aw ye kalian min naati an ka jamana kónô, n'o ye yèrèkalan ye o b'i n'a fô aw ye nin fèn fôlen bëe di malidenw ma.

umaru danbèlè ka bô bunumashikôròso jeli kafo la, san lamini la.

faso tuloma

cè dò fasalen, nka myè t'a la.
n'ka dògò, nka n'tè ncòyin.
o tuma, a' kana jòn n'na, ko n'ka dògò,
bawo dògòya tè kèle sa.

dòw ko n'ye denmisèn ye, n'tè ko dòn.
e, n'badenw, jòn mògò la ye kara ye.
i nyè b'a la an'i b'a dòn, kelen tè.
ne ni n'ka denmisènya bée,
o ma kumalaw bali ka ne niyòrò to sigi,
bawo, ni ne bè kofò iamala jèbaw la,
a bè fò de denmisèn ni mògòkòròba.
o tuma na sa, n'badenw, jònni fòlòla ?

halibì, dòw ko mògò kana i yèrè bila n'fè,
ko n'tè ko jugu dòn, n'tè ko bilen dòn.
halibì, olu de tè ne dòn.
è, n'i y'a mèn i bë siran, i bë siran de si dòn.
ne tè siran, n'tè tamaki, n'kunmasi tè cè.
bawo, n'i y'a mèn i kunmasi bë cè, si de b'li kun na.
ne ye takurun de ye, n'i ye n'dadon, n'bè mènè balaw.

cèfarinw bë siran saya nyè,
saya yèrè bë siran ne nyè.
bawo, ni saya ye cèfarin bin don min
a bë fò ko karisa ka don de sera.
nka, n'a ye ne bin don o don,
a bë fò ko e, saya y'a sonyè.
è, n'badenw, siran tè cè danbe ye :
cè siranna wo, i na sa.
cè ma siran wo, i na sa.
wa, balo don, saya tè yen,
saya yèrè don, balo fana tè yen.
o tuma, satumase jigi kun tè ala la.

ni dòw ko halibì, ne ye denmisèn ye,
jònni bë mugu ni kisè ta ka faso hòrònya ?
faden juguw binyè tigè muru tabago ye jònni ye ?
jònni bë falo ni bese ta ka faso luhinè ?
jònni kelen bë kalamènè yankan faso nyè su dibifin nd ?
a' ye janjon fò n'ye, n'ka n'jangamu.
a' ye nyangaran fòli fò n'ye, n'ka n'kèrèmu.
a' ye cè fòli fò n'ye, n'ka n'keleku.
ka bange bée nyè na,
ka wuli bée nyè na,
ka laban k'i duuru bée kòrò, i ko kajama tuloma.

n'i y'a mèn dugukelo kènòya fòlò, ne ko don.
n'i y'a mèn cèbakòrò tènèntan, ne ko don.
n'i y'a mèn cèbakòrò nyamantan, ne ko don.
n'i y'a mèn cèbakòrò kò ôbôbali, ne ko don.
ne de bë kumu cè la, cè tè kumu ne la.
ne de bë boli ka yèlèn cè la, cè tè boli ka yèlèn ne la.
ne de bë fòboli fò, ka kèboli kè,
wa, hèrè bë si, a bë tilen.
cèkòròbaw ni musokòròbaw jigi ye ne de ye,
bawo, nyè jiginton tè sunògò.
e, n'badenw, a' ye sabali, o' ka n'lamèn dòoni.
ne de ye dinyè kunkalo shènè ye,
ne de ye dinyè kòkòlo ye,
ne de ye dinyè dili kumbo ye.

kuma doniw ko mògò man nyi i yèrè da,
nka, ni mògò min ma ne dòn nin bée kà,
ne fògò ye kamalen-binyè-kènè,
n'junu ye kògò-fa-sin.

musa ture
bamakò

Kalan tònò

an bée kian cèsiri, ni ala sònra, an faso tè kë jugu
sago ye lugun.
cèkòròbuw ko :

"gankan salua de bë dinyè kònò.
fòlò : mògò tè ko sòrò gansan.
filunan : ko tè mògò sòrò gansan.
sabanah : mògò tè fara ko ma gansan."

bundameden, n'i m'i yèrè kë ko ye, ko t'a yèrè kë
mògò ye.

o hakili nyuman kòsòn, mògò dòw ko olu b'a fè ka
kalan nyini, bawo, kalan tònò kamo, kalan dun tununna,
tònò yèrè ye, kalan tònò kamo, kalan dun tununna,
kalan kèra miseli ye, ka bila joliba rò, ko bée k'a
nyini, olu dun y'a ye, u b'a fè ka miseli in ta.

u ko :

"n'b'a fè ira kòlòn sen n'ka dugu kònò,
kòlòn min, n'o jì tè ja fo ka dinyè wuli.
n'b'a fè ka jìri turu o kòlòn da la,
jìri min tè jo, o fura tè fasa abada.
n'bena n'da o jìri dujen na,
ko n'kq kini dumon dun."

balajakite,
sagabari

farafin san jateminè sèbèn dila cogo dò filè nin ye

sekina keyita ye lètèrè ci an ma, ka bò tofasadaga. a ko tofasadagakaw y'a kòlòsi ko fili ka ca u bolo farafin san kalo jateminè na. o la, a ye baara kè, ka farafin san 1979 jate sèbèn dila.

selincinin ni seliba bè bèn don minw ma, ani nyènjè minw bè kè maninka la kalo 9 tile 19, ani don tòw minw jate bè minè farafin kalo de la, n'i y'o sèbèn lajè, i na se k'olu dòn. i n'a fò, donba min bè kè san kalo fòlò tile 10, o kèra nyinan ka bèn ntènèn ma.

o farafin san 1979 jate sèbèn dilalen filè nin ye :

	kalo 1				kalo 2				kalo 3				
kari	2	9	16	23	1	8	15	22	29	6	13	20	27
ntènèn	3	10	17	24	2	9	16	23	30	7	14	21	28
tarata	4	11	18	25	3	10	17	24		1	8	15	22
araba	5	12	19	26	4	11	18	25		2	9	16	23
alamisa	6	13	20	27	5	12	19	26		3	10	17	24
juma	7	14	21	28	6	13	20	27		4	11	18	25
sibiri	1	8	15	22	29	7	14	21	28	5	12	19	26
	kalo 4				kalo 5				kalo 6				
kari	5	12	19	26	3	10	17	24		2	9	16	23
ntènèn	6	13	20	27	4	11	18	25		3	10	17	24
tarata	7	14	21	28	5	12	19	26		4	11	18	25
araba	1	8	15	22	29	6	13	20	27	5	12	19	26
alamisa	2	9	16	23	30	7	14	21	28	6	13	20	27
juma	3	10	17	24		1	8	15	22	29	7	14	21
sibiri	4	11	18	25		2	9	16	23		1	8	15
	kalo 7				kalo 8				kalo 9				
kari	7	14	21	28	6	13	20	27		4	11	18	25
ntènèn	1	8	15	22	29	7	14	21	28	5	12	19	26
tarata	2	9	16	23		1	8	15	22	29	6	13	20
araba	3	10	17	24		2	9	16	23	30	7	14	21
alamisa	4	11	18	25		3	10	17	24		1	8	15
juma	5	12	19	26		4	11	18	25		2	9	16
sibiri	6	13	20	27		5	12	19	26		3	10	17
	kalo 10				kalo 11				kalo 12				
kari	3	10	17	24	1	8	15	22	29	7	14	21	28
ntènèn	4	11	18	25	2	9	16	23		1	8	15	22
tarata	5	12	19	26	3	10	17	24		2	9	16	23
araba	6	13	20	27	4	11	18	25		3	10	17	24
alamisa	7	14	21	28	5	12	19	26		4	11	18	25
juma	1	8	15	22	29	6	13	20	27	5	12	19	26
sibiri	2	9	16	23	30	7	14	21	28	6	13	20	27

nsiirin

nin kèra surukuba ni sonsannin fè. u ko nyògòn ma ko n'u min ye nkalon tigè, ko tò kelen k'o gosi ni gènyè nyè mugan ye.

don dò, sonsannin taar'i turu cèncèn na surukuba ka foro sira la, k'i tò to a tulo fila ye san fè. surukuba nana o ye minkè, a ko : ee, nin ye dugu tulo ye. n'bè taa nin fò sonsannin ye bi.

a bòra foro la wula fè, a taara o fò sonsannin ye. sonsannin ko a ma : - an ka taa, i ka dugu tulo jira ne la.

u taara, u ma fosi ye yen. sonsannin ye gènyè nyè mugan kè surukuba la.

o dugujè, sonsannin taara o nyògòn kè surukuba ka foro sira la. surukuba nana o ye minkè, a ko : ò, nin ye dugu tulo ye bi tuguni. n'bè segin ka taa sonsannin wele, a ka na ka dugu tulo filè. a seginna, sani a ka se so, sonsannin bolila, ka kòn surukuba nyè so kònò. surukuba nana. a ko :

- n'dògò sonsannin, n'ye dugu tulo ye sisani. n'an ka taa a jira i la.

u wulila ka taa. u selen yen, u ma fosi ye yen. sonsannin ye gènyè nyè mugan kè surukuba la.

o dugujè, sonsannin taara o nyògòn kè surukuba ka foro sira la. surukuba nana o ye minkè, a ko : bi, ne bè dugu tulo bò, ka taa a jira sonsannin na. surukuba taara sonsannin minè a tulo fila ma, ka a sama ka bò dugu la. a ye sonsannin gosi foro jiri la, k'a faga.


piyèri jènfa kumana merijela

ka bò zansoní

mògò min, n'a tulo gerennen don, n'a fiyennen don, n'o fa sara, wali a ba, o bè fò o ye cogo di ?

bala kulubali


"udpm" sigili kòngèrè ...




zenerali musa
tarawele




kolonèli amadou
baba jara




sori kulubali




amadou tihamu




mamadou danbelle




sayon kulubali




n'buye sibi




mohamèdi a. hamani




K. finifin sisoko




madjine nyungali



K. yusufu tarawele



Mme orokiyatu so



bayès a. mohamèdi



tumani bagayoko




m. talibe sumare



L.K. seku dunbiya



m. keletigi taravele



C.E. mohamèdi Keyita

... nisòndiya baara